

Munduko XV.



Futbol Txapelketa




Giuseppe Signori

● Lazio taldeko aurrelaria izan zen Italiako selekzioako jokalaririk onena. Lehen minututik azkenera arte borrokatu zen, arriskua sortu zion Norvegiako defentsari eta gainera Dino Baggiori gola ekarri zuen falta berak ateratu zuen.



Leslie W. Mottram

● Hego Korearen eta Boliviaren arteko partiduko arbitro eskoziarra protagonista bihurtu zen. Arrazoi handirik gabe, ia hamalau minutu luzatu zuen neurketa (zehazki 103 minutu eta 48 segundu iraun zuen partidua). Txartelak ateratzeko erabili zituen irizpideak ere ez ziren denen gustukoa izan. Oso gaizki aritu zen.



Miraria italiar erara

● Italiaren eta Norvegiaren arteko partiduko 68. minutua zen. Italia hamar gizonekin jokatzeko ari zen lehen zatiko 20. minututik eta Franco Baresi aldagelan zegoen jadanik, lesionatuta. Italia, faboritoetako bat, Mundialek kanpo geratzeko arrisku bizian zegoen. Momentu horretan falta bilatu eta

aurkitu egin zuen Daniele Massarok, ezker hegalean. Giuseppe Signorik falta jaurti eta Dino Baggiori gola sartu zuen burukada bikoinekin, Norvegiako defentsa osoa gaindituta. Italiako prentsak hiru hitzetan laburtu zuen atzo partiduen kronika: «Miraria italiar erara».

Hegoamerikarrak eta europarrak ados dira 98ko talde banaketarako sistemari buruz

DONOSTIA

Hego Amerikako Futbol Konfederakundea (CSF) Europak duen 1998ko Mundialerako talde banaketarako sistemaren alde agertu da. UEFAk orain dela gutxi FIFARI aurkeztu zion proposamenaren, Frantziar jokatu den Munduko Futbol Txapelketan hogeita hamabi selekzio hartuko dute parte, eta horietatik lau gutxienez hegoamerikarrak izango dira. Gehiago ere izan daitezke, baldin eta aurtengo aurtun hegoamerikar selekzioek postu onak lortzen badituzte.

UEFAk aurkezturiko planaren arabera, Frantziar postua ziurtatua izango du, bera izango baita

antolatzailea. Bestalde, Mundialeko finalerdietara iristen diren lau selekzioetako federazioek postu gehiago izango dituzte. Adibidez, Europako bi sailkatzen baldin badira finalerdietara, hamalau selekzio europarrek jokatu dute Frantziako Mundiala, eta ez hamabik. Finalerdietara

iristen diren selekzioek, ordea, ez dute txartela eskuratuta izango. Lortu egin beharko dute sailkapen fasean. Txapeldunak ere jokatu egin beharko dituzte sailkapen faseko neurketak, hots, beste selekzio batek bezala. Beraz, orain arte ez bezala, zuzenean ez da sailkatua egongo.

Europarren proiektua joan den astean eraman zuten Nazioarteko Batzordera (FIFA). CSFk asteazkenean sinatu zuen Los Angelesen. Proiektua aurkezteko epea abuztuaren 1ean amaituko da, baina susmo txarrak saihesteko UEFAk Mundiala bukatu baino lehen aurkeztu nahi izan du. FIFAK datorren urrian aztertuko du europarren ideia. Proiektu horren arabera, Europak momentuz, hamabi leku izango ditu, Hego Amerikak lau, Afrikak ere lau, Asiak hiru, CONCACAFek hiru, Ozeaniak bat. Hogeita zortzigarrena, lehen esan bezala, antolatzailearentzat da. Beste laurak aurtengo finalerdien arabera jakingo dira.

(Hurrengo esaldiek min eman diezaioke irakurle sentiberari). 1988an Harry, ingeles futbolzale bat, ezkondua eta guzti, istilutxo batean sartu zen polizia batekin. Poliziak eraman zuen okerrera. Harryk polizia beso artean hartu eta begia zurrupatu, erauzi eta murtzikatu egin zion. Halaxe kontatzen du Bill Bufordek Ingalaterrako hooligan-en berri emanez. Non dira hooligan-ak EEB-Betako txapelketan? Gehienak, herrikanpo. Lasaitu ederra hartu zuten hemengo segurtasun-arduradunek Ingalaterrak txapelketan huts egin zuenean. Hala ere, segurtasuna zorrotz zaindu dute. Los Angelesen bertan 6 milioi dolar eraldi dute segurtasuna lortzeko. Futbol zelai batzuetan, gainera, ezin garagardorik saldu. Hesiak, helikopteroen zainketa lana, zainketaileak... Standfordeko aulki guztiak telebisioko-zirkuituaz zainduta daude. FBI ere tartean ibiliko da azken partiduen xehetasunak atonduz. Eta hooligan-ak agertu gabe. Agian, izutuegi daude EEB-Betako giroagatik. Floridan 11 turista atzeritar hil dituzte azken bi urteotan. Hotelek bertako telebista-albistegiak zentsuratu dituzte turistek halako bortizkeriaren irudiak ez ikusteko. Eta Poliziak... Joseba Gabilondok zioenez, gure indar errepresiboek aingerutxoak dirudite hauen aldean. Gogoratu Rodney King-en bideoa. Hori bai, inork ez du ezer esaten hemengo hooligan-ei buruz. Egon, badaude. Iaz ibili ziren istiluka Chicago Michael Jordanen taldeak txapelketa irabazi zuenean. Eta rugby partiduen aurreko edozein jaitan egon denak badaki Gabon zahararen baino arriskutsuago dela mozkortien ondoan igarotzea. Baina telebistaz oso giro jatorria sortu behar. Horretaz badakite amerikarrek. Aldamenean Hollywood dute eta.

	Egungo banaketa	UEFAren aurrikuspenak
Europa	13	12
Hego Amerika	3,5	4
Afrika	3	4
Asia	2	3
CONCACAF	1,25	3
Ozeania	0,25	1

YANKI GOLHOME ☆



Matxin